

# La refurma dals examens d'admissiun a la 1. classa dal gimnasi è reussida

■ (cc) Las novaziuns ch'èn vegnidas introducidas per quest onn en il rom dals examens d'admissiun a la 1. classa dal gimnasi èn sa cumprovas. Malgrà il grond dumber d'annunzias han ils examens d'admissiun pudì vegnir manads tras senza incaps en tut ils lieus d'examen dal chantun. Var 480 scolaras e scolars primars èn s'annunziads quest onn en il Grischun per ils examens d'admissiun a la 1. classa dal gimnasi da lunga durada dals 14 da favrer 2012. En cumparegliaziun cun ils onns precedents han ils examens gi lieu circa 3 mais pli baud. Da nov èn las candidatas ed ils candidats vegnids examinads

en il rom matematica supplementarain en il quintar a chau en moda fixada. Ultra da quai è vegnida reguardada en la procedura d'admissiun per l'emprima giada ina segunda lingua chantunala.

Grazia a la buna preparaziun da tut las persunas participadas han ils examens d'admissiun pudì vegnir manads tras senza incaps. Ni il termin pli baud dals examens ni l'examen en quintar a chau en moda fixada e l'integraziun d'ina segunda lingua chantunala han chaschunà midadas impurtantas dal dumber d'admissiuns. Sco gia l'onn passà han tranter 14% e 15% da las scolaras e dals scolars da la 6. classa pri-

mara gi success als examens d'admissiun. Ils gimnasis da lunga durada pon pia sa legrar da radund 290 novas scolaras e novs scolars da la 1. classa l'onn da scola 2012/13.

Las novaziuns n'èn betg stadas ina sfida mo per las candidatas e per ils candidats e per las persunas d'instruziun da la 6. classa da las scolas primaras. Er las persunas d'instruziun, las scolas e las autoritads che han gi l'incumbensa d'organisar e da manar tras ils examens d'admissiun han gi blera lavur. Ils resultats allegraivels dals examens d'admissiun mussan che la refurma da la procedura d'admissiun è sa cumprovada.